



REPUBLIKA E SHQIPËRISË

STATUTI
I
SHOQËRISË ME PËRGJEGJËSI TË KUFIZUAR

“BABEL” SH.P.K

Në bazë të ligjit nr. 9901 dt. 14.04.2008 “Për tregtarët dhe shoqëritë tregtare”
“NE” ortakët e poshtë shënuar:

- 1- **VALBONA HARKA**, atësia Hysen, amësia Medije, lindur me dt. 10.02.1972 ne Tirane, dhe banuese në adresën “Rruga Vaso Pasha, Pallati 34 shkalla 3 Ap_12 Tirane, Shqiperi, madhore e me zotësi të plotë për të vepruar, e identifikuar me letërnjoftimin ID nr.031973585 dhe numër personal H25210203T.
- 2- **MUSTAFA NANO**, atësia Selam, amësia Embliha, lindur në datën 26.01.1960, në Durrës, banues në Rruga “*Ded Gjo Lul*”, pallati nr. 1, shkalla nr. 3, apartamenti 49, Tiranë, Njësia Administrative Nr. 9, Tiranë, Shqipëri, madhor, me zotësi të plotë për të vepruar, i identifikuar me letërnjoftimin ID nr. 033522645 dhe numër personal G00126103I.

Me vullnetin tonë të lirë e të plotë themelojmë me anë të këtij statusi shoqërinë “BABEL” SH.P.K me 2 (dy) Ortakë, sipas dispozitave ligjore të shprehura me poshtë, në zbatim të ligjit 9901 Dt. 14.04.2008.

KREU I

THEMELIMI, EMRI, OBJEKTI, KOHËZGJATJA, SELIA, ADRESA NË INTERNET

Neni 1

Themelimi dhe Emri i Shoqërisë

Sot në datë 06.01.2022, në Tiranë, “NE” ortakët e lartpërmendur kemi themeluar shoqërinë tregtare me pergjegjësi të kufizuar “BABEL” SH.P.K me 2 (dy) ortakë, me SELI QËNDRORE, në adresën “Rruga Asim Vokshi, me Nr. Pasurie _3/92 +2-17, zk 8350 vol.4 fq.3, h.2 Ap. 17, Tiranë - Shqipëri”.

Neni 2

Objekti i Shoqërisë

Shoqëria tregtare "BABEL" SH.P.K , do të ketë si objekt të veprimtarisë së saj:

"Veprimtari gazetarie në fushën e mediave të shkruara dhe online. Botimi, prodhimi dhe shpërndarja e gazetave, revistave, librave dhe cdo lloj botimi të shkruar të printuar apo online, reklamimi dhe marketingu online i botimeve të ndryshme, artistike, sportive, politike informative si dhe te çdo lloj fushe, emisione televizive live, on line dhe/ ose të regjistruara. Marketing komercial nëpërmjet reklamimit të çdo produkti të lejuar me ligj etj.

Neni 3

Kohëzgjatja e Shoqërisë

Shoqëria do të ketë një afat të papërcaktuar në veprimtarinë e saj. Personalitetin juridik shoqëria e fiton pas regjistrimit në QKB, datë e cila do shënojë dhe fillimin e veprimtarisë së saj.

Neni 4

Selia qendrore, vendi dhe adresa e Internetit

Selia qendrore e shoqërisë, me të cilin do të pajiset me Nipt/Nuis kryesor nga QKB-ja, do të jetë në adresën "Rruga Asim Vokshi, me Nr. Pasurie _3/92 +2-17, zk 8350 vol.4 fq.3, h.2 Ap. 17, Tiranë - Shqipëri".

Shoqëria në bazë të ligjit ka të drejtë të hapë zyra përfaqësimi ose degë të saj në të gjithë territorin e Republikës së Shqipërisë dhe jashtë vendit, duke iu nënshtruar legjislacionit të vendit përkatës.

Shoqëria gjatë veprimtarisë së saj ka të drejtë që të ketë marrëdhënie edhe me shoqëri të tjera shqiptare ose të huaja, brenda dhe jashtë vendit, të bejë bashkëpunime me to në bazë të ligjeve shtetërore dhe atyre ndërkombetare.

Shoqëria ka dhe adresën e saj në internet që është: muchnano@gmail.com

KREU II

Neni 5


Kapitali i Rregjistruar i Shoqërisë

Kapitali i regjistruar i shoqërisë është 100.000 (njëqind-mijë) lekë dhe përbëhet nga "2" (dy) kuota/pjesë.

Secili ortak i shoqërisë zotëron nga 1 (një) kuotë secili, dhe kapitali i shoqërisë zotërohet tërësisht nga 2-ortakët.

Ortaku Valbona Harka, zotëron 1 (një) kuotë, 50% të kapitalit themeltar të shoqërisë dhe ka kontribuar me 50.000 (pesëdhjetë mijë) lekë.

Ortaku Mustafa Nano, zotëron 1 (një) kuotë, 50% të kapitalit themeltar të shoqërisë dhe ka kontribuar me 50.000 (pesëdhjetë mijë) lekë.



Pas rregjistrimit ne QKB dhe fitimit te personalitetit juridik, shoqëria ka të drejtë të përdorë kapitalin e regjistruar për fillimin e veprimtarisë së saj.

Shoqëria mund të marrë hua financiare nga ortakët, ose persona të tretë fizikë ose juridikë, institucione bankare vendas ose te huaj, në përputhje me ligjin e brendshëm ose atë ndërkombëtar, për të plotësuar vlerën financiare nëse kapitali financiar është i pamjaftueshëm për fillimin e aktivitetit.

Neni 6

Certifikata dhe regjistri i KUOTAVE

Ortakët themelues, sipas kontributit në kuotat e kapitalit themeltar pajisen me Certifikatën e Kuotave lëshuar nga shoqëria menjëherë pas fitimit të personalitetit të saj juridik pas rregjistrimit në QKB. Kuotat e shoqërisë regjistrohen në “Regjistër” me vlerën e tyre, regjistër që administrohet nga administratori i shoqërisë gjatë gjithë mandatit të tij ligjor të vendosur në ligj dhe në këtë Statut. Në këtë regjistër bëhen shënimet përkatëse në rast të tjetërsimit tërësisht ose pjesërisht të kuotave të kapitalit themeltar të shoqërisë ose kur kouta të caktuara zotërohen bashkarisht nga disa ortakë.

Neni 7

Kalimi i KUOTAVE

Kalimi ose tjetërsimi i kuotave te kapitalit themeltar të regjistruar te shoqerise mund te behet me anen e shitblerjes, dhurimit, trashegimit ose çdo mënyrë tjetër te parashikuar ligjërisht.

Ne rastet e shitblerjes apo dhurimit nenshkruhet kontrata perkatese ne baze te dispozitave ligjore. Secili prej ortakëve është i detyruar të marrë pëlqimin e ortakut tjetër para se të bëj kalimin e pjesës së tij të kuotave tek një person tjetër fizik ose juridik që pretendon të hyjë si ortak i ri në shoqëri.

Në rastet kur një ortak vdes, atëherë kuotat e tij trashëgohen në bazë të ligjit për shoqëritë tregtare dhe të dispozitave ligjore për trashëgiminë nga pasardhësit e tij sipas radhës ligjore ose testamentit.

Trashëgimtari i kuotave pasi i ka paraqitur administratorit dokumentat provuese si trashëgimtar ligjor, ka të drejtë të kërkojë nga administratori regjistrimin e emrit te tij si ortak në regjistrin e kuotave të shoqërisë. Sido që të jetë mënyra e kalimit te kuotave, Administratori në çdo rast bën shenimet përkatëse në regjistrin e aksioneve.

Neni 8

Zmadhimi ose zvogëlimi i kapitalit të shoqërisë

Kapitali i shoqerise mund te zmadhohet nepermjet nënshkrimeve të pjesëve të kapitalit themeltar për kontributet në para dhe me anë të kontributeve në natyrë, nepermjet emerimit nga gjykata kompetente e nje eksperti te autorizuar per keto kontribute sipas kërkesës së administratorit.

Në të gjitha rastet zvogëlimi i prek ortakët në të njëjtën masë ndaj pjesëve të kapitalit që përfaqësojnë. Asambleja e Ortakeve merr vendimin perkates ne baze te dispozitave te ligjit

tregtar, ku vendos për shumën me të cilën do të rritet kapitali dhe autorizon administratorin të ndjeke të gjitha procedurat ligjore për këtë qëllim.

Zvogëlimi i kapitalit lejohet nga asambleja e ortakëve, e cila merr vendim në të njëjtat kushte që kërkohen për ndryshimin e statutit.

Zvogëlimi i kapitalit të shoqërisë bëhet me vendim të asamblese dhe në çdo rast jo më pak se 100.000 (njëqind mijë) lekë, sipas kushteve ligjore të parashikuara në ligj.

Në çdo rast zmadhimi ose zvogëlimi i kapitalit bëhet me një raport të detajuar të ekspertit kontabël dhe regjistrohet në OKB.

Asambleja e ortakëve vendos për rritjen apo zvogëlimin e kapitalit mbasi është konsultuar me ekspertin kontabël në bazë të një raporti të detajuar të tij, si dhe me administratorin.

KREU III

ORGANET DREJTUESE **Asambleja, Administratori**

Neni 9 **Asambleja**

Asambleja e Ortakëve është organi i vetëm vendim-marrës i shoqërisë.

Asambleja e ortakëve, mbledhet në mënyrë të zakonshme, të paktën 2 herë në vit. Mbledhja thirret nga të paktën njëri prej ortakëve ose dhe nga administratori.

Njoftimi bëhet të paktën 7 ditë para datës së caktuar për mbledhje me anë të faxit, telefonit fix apo cel, e-mailit, postës etj.

Asambleja (ortaku) merr vendime dhe ka kompetenca për:

- miratimin e pasqyrave financiare vjetore dhe të raporteve të ecursisë së veprimtarisë;
- shpërndarjen e fitimeve vjetore dhe mbulimin e humbjeve; për investime;
- vendimet për riorganizimin dhe prishjen e shoqërisë.
- përcaktimin e politikave tregtare të shoqërisë;
- ndryshimet e statutit;
- emërimin e shkarkimin e administratorëve;
- emërimin e shkarkimin i likuiduesve dhe të ekspertëve kontabël të autorizuar;
- përcaktimin e shpërblimeve për personat e përmendur më lart;
- mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecursisë së veprimtarisë;
- zmadhimin dhe zvogëlimin e kapitalit;
- përfaqësimin e shoqërisë në gjykatë dhe në procedimet e tjera ndaj administratorëve.
- miratimin e rregullave procedurale të mbledhjeve të asamblesë;

- çështje të tjera të parashikuara nga ligji apo statuti.

Në raste të caktuara kur një nga ortakët mungon, ai mund të përfaqësohet sipas rregullave ligjor të përfaqësimit nga një person i zgjedhur prej tij.

Neni 10

ADMINISTRATORI

Administratori, i emëruar i shoqërisë, me vendim unanim të asamblesë së ortakëve, është Zoti **MUSTAFA NANO**.

Afati i emërimit të tij është **3-vite** me të drejtë ri-zgjedhjeje.

Ky afat fillon në datë 10.01.2022 dhe mbaron në datë 10.01.2025.

Administratori emërohet dhe shkarkohet me shumicë votash nga asambleja e ortakëve.

Administratori ka të drejtë dhe detyrohet që të:

a) kryejë të gjitha veprimet e administrimit të veprimtarisë tregtare të shoqërisë, duke zbatuar politikat tregtare, të vendosura nga asambleja e përgjithshme;

b) përfaqësojë shoqërinë tregtare;

c) kujdeset për mbajtjen e saktë e të rregullt të dokumenteve dhe të librave kontabël të shoqërisë;

ç) përgatit dhe nënshkruajnë bilancin vjetor, bilancin e konsoliduar dhe raportin e ecurisë së veprimtarisë dhe, së bashku me propozimet për shpërndarjen e fitimeve, i paraqesin këto dokumente përpara asamblesë së përgjithshme për miratim;

d) krijojnë një sistem paralajmërimi në kohën e duhur për rrethanat, që kërcënojnë mbarëvajtjen e veprimtarisë dhe ekzistencën e shoqërisë;

dh) kryen regjistrimet dhe dërgon të dhënat e detyrueshme të shoqërisë, siç parashikohet në ligjin për Qendrën Kombëtare të Regjistrimit;

e) raporton përpara asamblesë së përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë tregtare, kryen detyra të tjera të përcaktuara në ligj dhe në statut.

Administratori i shoqërisë ka të drejtë të kryejë veprime financiare në të gjitha Bankat ku Shoqëria ka llogari Bankare, deri në vlerën 150.000 (njëqind e pesëdhjetë mijë) lekë ose e konvertuar kjo me monedhen e huaj sipas kursit të Bankes së Shqipërisë. Mbi këto shume ai ka detyrimin të marrë pelqimin e Asamblesë së Ortakëve, e cila vendos me shumicë të thjeshtë. **Administratori** në bazë të ligjit mund të delegojë një ose disa kompetenca të veprimtarisë së tij tek një person tjetër me anë të autorizimit ose prokures, pasi të ketë marrë pelqimin e shumicës së thjeshtë të asamblesë së ortakëve.

Cdo veprim i tij në kundërshtim me këto dispozite e ngarkon administratorin me përgjegjësi ligjore.

Administratori është personi që përfaqëson shoqërinë me të tretet dhe specimenti i nënshkrimit të tij është si më poshtë:

Neni 11

Emërimi i ekspertit kontabël

Asambleja e shoqërisë cakton një ose disa eksperte kontabël që mund të jenë persona fizik ose juridik, në rastet e kerkuara nga ligji. Mandati i ekspertit kontabel është 3-vjet me të drejtë rizgjedhjeje. Emërimi dhe largimi i ekspertit bëhet me vendim të asamblese me shumicë të thejshte. Eksperti kontabel ka detyrimin të raportoje ecurinë financiare të shoqërisë dhe të bëjë sugjerime për rentabilitetin e veprimtarisë së shoqërisë. Eksperti kontabel ka të drejtë të bëjë kontrole periodike të aktivitetit të shoqërisë dhe të raportoje për këto tek ortakët ose administratori. Viti financiar i Shoqërisë fillon më 1 Janar dhe përfundon më 31 Dhjetor. Përkrahimisht, viti i parë financiar fillon nga data e regjistrimit të shoqërisë në Qendren Kombëtare të Regjistrimit dhe mbyllet më 31 Dhjetor. Eksperti kontabel mban një raport të detajuar në mbylljen e vitit ushtrimor fiskal dhe është përgjegjës për mbylljen e bilancit të shoqërisë dhe ndarjen e dividendit. Dividendi shpërndahet mes ortakëve, në raport me vlerën e kapitalit të regjistruar, dhe kuotat e secilit ortak.

Neni 12

Dividentet dhe shpërndarja e tyre.

Shpërndarja e dividendit bëhet pas raportit financiar të ekspertit për mbylljen e vitit ushtrimor financiar, bilancit. Shpërndarja bëhet me vendim të ortakut ose të asamblese në përputhje me ligjin. Shpërndarja e dividendit bëhet në raport me pjesëmarrjen e ortakut-ve në kuotat e kapitalit të regjistruar. Një pjesë e dividendit të pashpërndarë, me vendim të asamblesë mund të kalojë në kapitalin themeltar.

Neni 13

Riorganizimi, Prishja dhe likuidimi i shoqërisë

Shoqëria mund të ndahet, bashkohet sipas Vendimit të Mbledhjes së Përgjithshme të Asamblesë së Ortakëve, në përputhje me dispozitat ligjore të parashikuara në Pjesën IX të Ligjit 9901 datë 14.04.2012 "*Për tregtarët dhe shoqëritë tregtare.*"

Me përjashtim të rasteve kur është nisur një procedurë falimentimi, prishja e shoqërisë me përgjegjësi të kufizuar ka si pasojë hapjen e procedurave të likuidimit në gjendjen e aftësisë paguese, sipas neneve 190 deri në 205 të ligjit 9901 dt. 14.04.2008 "*Per Tregtarët dhe Shoqëritë tregtare*".

Në rastet e prishjes dhe të likuidimit të shoqërisë para afatit të mesipër vendos mbledhja e përgjithshme e asamblese së ortakëve.

Likuiduesi mund të shpërndajë të ortakut-ët të gjitha pasuritë e deri në atë moment që posedon në pronësi shoqëria. Prishja mund të vijë edhe si pasojë e falimentimit të shoqërisë.

Likuidimi kryhet nga likuiduesit e emëruar nga asambleja e ortakëve ose ortakut i vetëm.

Nëse asambleja nuk merr një vendim për emërimin e likuiduesve, brenda 30 ditëve pas prishjes, çdo person i interesuar mund t'i drejtohet gjykatës, për të caktuar një likuidues.

Likuiduesi emerohet nga Gjykata në rastet kur shoqëria priset me vendim gjykate. Likuiduesi përgatit një bilanc të gjendjes së shoqërisë në çastin e hapjes së likuidimit dhe një bilanc përfundimtar në çastin e mbylljes së këtyre procedurave. Nëse procedura e likuidimit zgjat më shumë se një vit, likuiduesi përgatit, gjithashtu, pasqyrat financiare vjetore të shoqërisë. Pas shlyerjes së detyrimeve ndaj kreditorëve, likuiduesi u shpërndan ortakut-ve aktivet e mbetura, sipas të drejtave që ata kanë në ndarjen e fitimeve.

Pas shpërndarjes së aktiveve të mbetura, likuiduesi e njofton Qendrën Kombëtare të Regjistrimit për përfundimin e likuidimit dhe kërkon çregjistrimin e shoqërisë.

Neni 14

Dispozita të Fundit

Ky "Statut" është mbështetur tërësisht në ligjin 9901 dt. 14.04.2008 "*Per Tregëtarët dhe Shoqëritë tregtare*".

Për të gjitha rastet të cilat nuk janë parashikuar në statut do të gjejne zgjidhje dhe interpretohen sipas këtij ligji.

Per mosmarrëveshjet që mund të lindin në lidhje me zbatimin apo interpretimin e këtij statuti, si dhe për çdo mosmarrëveshje që mund të lindë midis Shoqërisë dhe të tregëtarëve, do të jetë kompetente Gjykata Kompetente Shqiptare.

"Statuti" është përpiluar në 4 (katër) kopje origjinale me fuqi të njëjtte ligjore, në gjuhën shqipe, sipas kërkesave të ligjit.

Permbajtja e STATUTIT pasi lexohet dhe kuptohet qartë nga të gjithë ortakët e shoqërisë, gjendet në përputhje me vullnetin e tone të plote dhe "Ne" ortakët e sipershënuar e nënshkruajmë pa asnjë vërejtje.

THEMELUESIT E SHOQËRISË "BABEL" SH.P.K

VALBONA HARKA

Valbona Harka
Valbona Harka

MUSTAFA NANO

Mustafa Nano
Mustafa Nano
